

欽定四庫全書

子部

備急千金要方卷三十八



南京中医药大学图书馆版权所有

詳校官太醫院醫士臣舒岱

編修臣倉聖脈覆勘

備急千金要方卷三十七

唐 孫思邈 撰

宋 林億等 校正

肝臟方

解極第四

曰夫一極者大氣通於肺

也雨氣潤於腎六經為

所以竅應於五臟五臟

邪傷則六腑生極故曰五臟六極也

論曰凡筋極者主肝也肝應筋筋與肝合肝有病從筋生又曰以春遇病爲筋痺筋痺不已復感於邪內舍於肝則陽氣入於內陰氣出於外若陰氣外出則虛虛則筋虛筋虛則善悲色青蒼白見於目下若傷寒則筋不能動十指爪皆痛數好轉筋其源以春甲乙日得之傷風風在筋爲肝虛風也若陽氣內發發則實實則筋實筋實則善怒噤乾傷熱則欬欬則脇下痛不能轉側

又脚下滿痛故曰肝實風也然則因其輕而揚之因其重而減之因其衰而彰之審其陰陽以別柔剛陽病治陰陰病治陽善治病者病在皮毛肌膚筋脉而治之次治六腑若在五臟則半死矣扁鵲云筋絕不治九日死何以知之手足爪甲青黑呼罵口不息筋應足厥陰足厥陰氣絕則筋縮引卵與舌筋先死矣

橘皮通氣湯治筋實極則欬欬則兩脇下縮痛痛甚則不可轉動方

橘皮四兩

白朮

石膏各五兩

細辛

當歸

桂心

茯苓各三兩

香豉一升

右八味㕮咀以水九升煮取三升去滓分三服

丹參散治筋實極則兩脚下滿滿而痛不得遠行脚心

如割筋斷折痛不可忍者方

丹參三兩

芎藭

杜仲

續斷

地骨皮二兩

乾地黄

當歸

通草

升麻

麥門冬

禹餘糧

桂心一兩六銖

麻黃

各一兩十八銖

牛膝

二兩六銖

甘草

生薑

切炒取焦乾

牡蠣

各二兩半

右十七味治下篩為粗散以絹袋子盛二方寸匕以

井花水二升煮數動袋子煮取一升頓服日二

地黃煎治筋實極手足爪甲或青或黃或黑烏黯四肢

筋急煩滿方

生地黄汁

三升生葛汁

生玄參汁

各一升

大黃

升麻

各二兩

麻黃

梔子仁

犀角各三兩

石膏五兩

芍藥四兩

右十味㕮咀以水七升先煮七物取二升去滓次下

地黃汁煎一兩沸次下葛汁煎取三升分三服日再

五加酒治筋虛極筋痺好悲思顏色蒼白四肢噓吸脚

手拘攣伸動縮急腹中轉痛方

五加皮一斤

薏苡仁半升

枳刺二升

大麻仁三升

猪椒根皮

丹參八兩

乾薑

芍藥五兩

桂心

當歸

甘草三兩

天雄

秦椒

白鮮

通草

各四兩

右十五味㕮咀以絹袋盛清酒四斗漬春夏四日秋冬六七日初服六七合稍稍加以知爲度

人參酒治筋虛極則筋不能轉十指爪皆痛數轉筋或交接過度或病未平復交接傷氣內筋絕舌捲脣青引卵縮肝脉疼急腹中絞痛或便欲絕不能飲食方

人參

防風

茯苓

細辛

秦椒

黃耆

當歸

牛膝

桔梗 各一兩半

乾地黄

丹參

薯蕷

鍾乳

礬石 各二兩

山茱萸

芍藥 各二兩

白朮

麻黃 各二兩半

大棗 三十枚

五加皮 一斤

生薑 切炒乾

烏麻 碎各二升

右二十二味㕮咀鍾乳別以小袋子盛清酒二斗半

浸五宿溫服三合日再不知隨意增進一本無烏麻

用杜仲一兩半

治交接損卵縮筋攣方

燒婦人月經衣灰服方寸匕

治筋絕方

熬蟹腦足髓內瘡中筋即續

灸法

勞冷氣逆腰髓冷痺脚屈伸難灸陽蹻一百壯在外踝
下容爪

腰背不便轉筋急痺筋攣灸第二十一椎隨年壯
轉筋十指筋攣急不得屈伸灸脚外踝骨上七壯

失精筋攣陰縮入腹相引痛灸中封五十壯在內踝前
筋裏宛宛中

又云灸下滿各五十壯老人加之小兒隨年壯法
又云此二穴喉腫厥逆五臟所苦鼓脹悉以主之
轉筋脛骨痛不可忍灸屈膝下廉橫筋上三壯

腹脹轉筋灸臍上一寸二七壯

堅癥積聚第五

論方
灸法

論曰病有積有聚何以別之答曰積者陰氣也聚者陽

氣也故陰沈而伏陽浮而動氣之所積名曰積氣之所聚名曰聚故積者五臟之所生聚者六腑之所成故積者陰氣也其始發有常處其痛一作病也不離其部上下有所終始左右有所窮已聚者陽氣也其始發無根本上下無所留止其痛無常處謂之聚也故以是別知積聚也

經絡受病入於腸胃五臟積聚發伏梁息賁肥氣否氣奔豚積聚之始生至其已成奈何曰積之始生得寒乃

生厥止乃成積人之善病腸中積者何以候之曰皮薄而不澤肉不堅而淖澤如此則腸胃傷惡惡則邪氣留止積聚乃作腸胃之積寒溫不次邪氣稍止至其畜積留止大聚乃起病有身體腰髀股肱皆腫環臍而痛是謂何病曰病名伏梁此風根也不可動動之爲水溺瀦之病小腹盛左右上下皆有根者伏梁也裹膿血居腸胃之外不可治治之每切按之致死此下則因陰必下膿血上則迫胃管生

王冰云當作出

膈俠胃管內癰此久病也

難療居臍上爲逆慎勿動亟奪其氣溢於大腸而著於
盲盲之原在臍下故環臍而痛

三台圓治五臟寒熱積聚臃脹腸鳴而噫食不生肌膚
甚者嘔逆若傷寒寒瘧已愈令不復發食後服五丸飲
多者十九常服令人大小便調和長肌肉方

大黃熬

前胡各二兩

硝石

葶藶

杏仁各一升

厚朴

附子

細辛

半夏各一兩

茯苓半兩

右十味爲末蜜和搗五千杵丸如梧子大服五丸稍加至十丸以知爲度

五石烏頭圓治男子女人百病虛弱勞冷宿寒久癖及癥瘕積聚或嘔逆不下食并風濕諸病無不治之方

鍾乳鍊

硫黃

礬石

紫石英

赤石脂

枳實

甘草

白朮

紫菀

山茱萸

防風

白薇

桔梗

天雄

皂莢

細辛

從蓉

人參

附子

藜蘆

各一兩
六銖

麥門冬

乾薑

蜀椒

吳茱萸

桂心

各二兩半

烏頭

三兩

厚朴

遠志

茯苓

各一兩半

當歸

二兩

棗膏

五合

乾地黄

一兩十銖
八銖

右三十二味為末蜜和搗五千杵丸如梧子大酒服

十九日三稍加之

烏頭圓治男子女人寒冷腹內積聚邪氣往來厥逆搶